



Inatsisartunut ilaasortaq Kristian Jeremiassen, Siumut  
MAANI

**Qaanaap eqqaani aaffattassat qaqugu amerliniarneqarnersut pillugu  
Naalakkersuisunut apeqqut nr. 209-mut akissut**

01-11-2013

Sags nr. 2013-091206

Dok. nr. 1375902

Postboks 269

3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl

www.naalakkersuisut.gl

Inatsisartut suleriaasianni § 37 imm. 1 naapertorlugu Qaanaap eqqaani aaffattassat qaqugu amerlineqarnersut pillugu Naalakkersuisunut apeqquteqarputit. Apeqqutit uanga naalakkersuisoqfinni akisassanngorlugu innersuunneqarpoq.

**Apeqqut: Qaanaap eqqaani aaffattassat qaqugu amerlineqarniarpat?**

Naalakkersuisut ulloq 14.10 2013 ataatsimiinnerminni Qaanaap aqutsiveqarfiani 2013-ip sinneranut aaffattassiissutit politikkikut immikkut aalajangiinermi 10-nik amerlineqarnisaat aalajangiuppaat, Avangersuarmiit saaffiginnissut innersuussutigalugu.

Pinngortitaleriffik aamma Ineqarnermut, Pinngortitamut Avatangiisinullu Naalakkersuisoqarfik (IPAN) aarrinut pisassiissutit 10-nik ilaneqarniarnerat qulaani taaneqartoq pillugu tusarniarneqarput. Pinngortitaleriffimmit oqaatigineqarpoq Qaanaami aaveqatigiit piniarneqartut aallaqqaataaniit peqassutsimut naleqqiullugu annikinnerungaatsiartut ukiut siuliini pisaasartut peqqutigalugit. Taamaattumillu peqassutsip alliartornissaanut ilippanarluartoq, uumassusilerisut siunnersuinerat malinneqarpat. NAMMCO-p siunner-suinera 2010-miit 2012-imut malinneqarpoq.

Aammattaaq Pinngortitaleriffik allappoq, pisassiissutinik qaffaaneq kingusinnerpaaq Qaanaami peqassutsip alliartornissaata ilimanaataa 50-60 %-inut appariartinneqartoq, NAMMCO-p December 2009-mi naatsorsuinera naapertorlugu. 2013-imi pisassiissutinik qaffaanikkut pisat piujuannartitsinermik tunngaveqarluni siunissami amerlineqarsinna-nerinut (tassa peqassuseq suli milliseqqinngikkaluarlugu) periarfissat annikinnerulis-sasut.

Ukiup siuliani pisanik sippuisimanerit aqutsiveqarfimmi pineqartumi ilanngaatigine-qassapput agguassisoqareernerata kingorna, Aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. Oktober 2006-meersoq naapertorlugu.

Naatsorsuutigineqarpoq uumassusilerisut siunnersuinerat nutaaq NAMMCO-p 2014-imi ukiumoortumik ataatsimiinnermini oqaluuserissagaa, taamaattumik Naalakkersuisut aaffattassiissutit suli amerlineqarnissaannut pilersaaruteqanngillat. NAMMCO-miit inassuteqaatissaq tunniunneqartussaq nalinginnaasumik tusarniaatitsinikkut ingerlan-neqassaaq Naalakkersuisunit aaffattasanik aalajangiivittoqartinnagu, 2014-mut pisassiissutissamut allannguiteqarnikkut imaluunniit 2015-miit atuuttussatut.

Isumaga ersarippoq, piniakkanik killilersukkanik, tassunga ilanngullugu aarrit, uteqqiasumik pisassiissutaasunik qaffaasarnikkut, piujuartitsinermik tunngaveqarluni periuseqarluni ingerlatsinissamik apeqqut piffissamut kingusinnerusumut kinguartin-

neqartartoq. Aallaaviusariaqarpoq peqataasut tamarmik issiaqatigiillutik naliliinernik pisariaqartunik suliaqarnissaat aamma siumut isigaluni pisassiissutit piviusumik aqunneqarnissaannik nassaartoqartariaqarluni. Tamassuma piujuannartitsinermik tunngaveqarluni ingerlatsinissamik periuseqarneq qulakkiissavaa, tamatta suaarutigisartagaput, ilaatigulli ilumut aamma uumasunik piniakkanik atuinissamut pisariaqartitsinerput, inunnut nerisassaappata imaluunniit qimminut nerukkaatissaappata apeqqutaanani.

Inussiarnersumik inuullaqquqsisillunga

Karl Lyberth